



Kommuneqarfik Sermersooq
Borgmesteri • Borgmesteren

Ulloq / Dato: 22. juni 2015
Brev nr.: 54
Journal nr.: 02.02.09.
Sull./Sagsbeh.: JEBE
Toqq./Dir. tf.: 367015
E-mail:
jebe@sermersooq.gl

Departementet for Sundhed
abas@nanoq.gl & pan@nanoq.gl

Imigassamut politikki nutaaq pillugu tusarniummut akissut

Peqqissutsimut Naalakkersuisoqarfiup imigassamut politikki nutaamut sinnersuutaa Aningaasaqarnermut Ataatsimiititap juunip 11-anni 2015 ataatsimiinnermini misissorpaa, inatsisissatullu siunnersuutit nassiunneqarsimasumut Aningaasaqarnermut Ataatsimiititap imatut oqaaseqaateqarpoq.

§ 24, imm. 2-mut Aningaasaqarnermut Ataatsimiititap oqaaseqaatigaa, Imigassanik aalakoornartortalinnik nioqquteqarsinnaanermut akuersissutinut tunngatillugu inatsisini killiliussat siunertaasullu iluini Kommunalbestyrelse nammineq politikkini naapertorlugu sulinissaa periarfissaatinneqanngippat, akuersisartuni ilaatinneqartariaqanngitsoq. Aningaasaqarnermummi Ataatsimiititap siusinnerusukku itigartitsisutigini kuusai Namminersorlutik Oqartussanit amerlanertigut taperserneqarneq ajortut takutereernikuuaat. Tamannalu isumaqarpoq, iluamik oqaatigalugu Kommunalbestyrelse aalajangiinnaassuseqanngitsoq.

Imigassamut politikkeqarnissamik imigassanik aalakoornartortalinnik nioqquteqarsinnaanermut akuersissutilinnut inatsisitigut piumasaqaatinngortinniarneqarnera pitsaasutut isigineqarpoq. Taamaattorli imigassamut politikkip qanoq ilusilerneqarnissaanut imaqartinneqarnissaanullu najoqqutassamik ilanngussisoqartariaqarpoq.

§ 39-mut, tassa ammasarfinnik sivitsuinnissamut tunngatillugu Aningaasaqarnermut Ataatsimititami amerlanerussuteqartut itigartippaat, tamanna ilaqtariinnut meerartalinnut akornutaasinnaanera imigassamillu atuinerup annertusiartorsinnaanera ernumanartillugu. Sivisunerusumik ammatitsinissamut imigassat kimikinnerit kisimik pineqarmata Kommunalbestyrelsimi ikinnerussuteqartut siunnersuut akueraat. Nakkutilliinerup annertunerusariaqarneranut siunnersuut Aningaasaqarnermut Ataatsimiititap akueraa, § 41 naapertorlugu, tassungami tunngatillugu assersuutissaqareerpoq, imigassamut angerlaassassatut tunineqartumut sanilliullugu nerisassamininnguanik tuniniaasoqartarneratigut nerisassanik angerlaassassanik tuniniaasinnaatitaaneq atornerlunneqartartoq.

Imigassamik tuniniaasinnaanermut akuersissut ataavartunngorlugu sivitsorneqarsinnaanera akuerineqarpoq, akerlianilli imigassamik tuniniaasinnaanermut akuersissummut akiliut ukiumoortunngortinneqartariaqarpoq. Tassunga oqaatigisariaqarpoq, akiliut maannakkornit annertunerungaatsiartinneqartariaqartoq, taamaallunilu imigassamik tuniniaasinnaanermut akuersissuteqartarnermut atatillugu aningaasartuutitut naapertuuttunngortinneqarluni.

Taakku saniatigut inatsisissatut siunnersuummi aalajangersakkat sinneri Kommuneqarfik Sermersuumit akuerineqarput, tassanilu suliniutit arlallit pitsaasutut isigalugit.

Inussiarnersumik Inuulluaqqusillinga
Med venlig hilsen


Kommuneqarfik Sermersooq
Borgmester
Aasi Chemnitz Narup